



---

*Stepe Stepanovića 99, 78000 Banjaluka, tel/faks:051/430-710, 430-711*

## Metodologija razvoja standarda zanimanja-sažetak

### *O projektu*

Cilj projekta je razvoj standarda zanimanja za šest zanimanja u porodicama Šumarstvo i obrada drveta, Mašinstvo i obrada metala i Ugostiteljstvo i turizam i to za zanimanja:

- Mašinski tehničar ( za CNC mašine)
- Varilac
- Konobar
- Kuvar
- Tehničar za obradu drveta (finalna obrada)
- Tapetar

Projekti Firma i GIZ su, na osnovu iskazanih potreba poslodavaca, procijenili da je potrebno podržati aktivnosti razvoja standarda zanimanja za konkretna zanimanja.

### *Razvoj standardi zanimanja- metodologija*

Postoji više različitih metodologija za izradu standarda zanimanja, a svaka započinje analizom onoga šta pojedinci u određenom zanimanju rade.

Cilj standarda zanimanja je **stvaranje detaljne slike** o specifičnim vještinama i znanjima koja moraju posjedovati osobe nekoga određenog zanimanja. Standardi zanimanja takođe omogućuju da se utvrde zajedničke vještine koje se primjenjuju u različitim zanimanjima ili čak u različitim privrednim granama.

Standardi zanimanja sadrže ono što se od zaposlenika zahtijeva, te opisuju standard koji treba zadovoljiti kako bi poslodavac istog smatrao "kompetentnim".

*Veze: Standard zanimanja/kompetencije/kurikulum*

Imajući u vidu diferencirani pristup razvoju kurikuluma u SSO, standard zanimanja predstavlja prvi koraci i uslov za razvoj standarda kvalifikacija i/ili izradu stručnih kvalifikacija koje su usmjerene na svijet rada.

Polazište za izradu **kurikuluma/programa obuke u SSO** su **opšte kompetencije ( opšte obrazovni dio/područja) i stručne kompetencije (razrađene u standardima zanimanja).**

**Stručne kompetencije definišemo u u standardu zanimanja kao generičke i/ili specifične kroz: grupe poslova – ključni poslovi - aktivnosti / pripadajući indikatori (znanja-vještine-stavovi).**



---

### ***Ključne faze i aktivnosti projekta***

Faze pripreme, implementacije i evaluacije obuhvataju niz proceduralnih programskih aktivnosti:

- ✓ Uvrđivanje metoda, tehnika i izrada instrumenata (metodološkog priručnika, upitnika i obrasca standarda) ;
- ✓ Obuka ispitivača (anketara) za prikupljanje podataka iz kompanija
- ✓ Analiza zanimanja uz konzultacije s predstavnicima Privrede odnosno korištenjem tehnike struktuiranog intervjua- upitnika,
- ✓ Izbor uzorka kompanija za anketiranje i anketiranje,
- ✓ *Pisanje standarda zanimanja* (radne grupe su izradile 1, 2, 3 nacrt, sve do preliminarne verzije).
- ✓ Provjera/verifikacija, korekcija i izrada konačnog prijedloga standarda.

Sve ključne faze i aktivnosti su provedene po planu a razvijene standarde je usvojio i odbor Agencije za POiS obrazovanje.